

Kultura politiko berriari buruzko eztabaida prozesua: Lanerako 3. dokumentua

KULTURA POLITIKO BERRIAREN ESPERIMENTAZIOAREN ESPAZIOAK ETA ERRONKAK

Demokrazia liberalen krisiari eta kultura politiko berri baten beharrari buruz hausnartu ondoren (1. dokumentua) eta hura eraikitzeke heldu beharreko erronka nagusiak partekatu ondoren (2. dokumentua), dokumentu honek parte-hartzaileek esperimenterako espazio gisa proposatu dituzten proiektuetan sakontzen du, eta proiektu horien eta taldeak eztabaidarako lehenetsitako gaien arteko loturak aztertzen hasten da.

1. taulak erakusten du taldeak zer ahalmen ikusten dien deliberazio gaiei beren proiektuetan kultura politikoaren eraldatzeko. Ezkerreko zutabeak eztabaidarako lehenetsi diren gaiak aurkezten ditu, puntuazio handienetik txikienera ordenatuta. Eskuineko zutabeak, gai bakoitzerako lehentasunetaz jabetzen diren proiektuak agertzen dira.^{1 2 3}

1. taula. Eztabaidarako gaiak lehenestea ekintzarako eskakizunen arabera

GAIA / PUNTUAZIO OROKORRA	LEHENTASUNA EMATEN DIOTEN PROIEKTUAK
Pertsonen erantzukizuna (balioak) sustatzea gure proiektu/ekimenetan (56)	- Herrigintzaren berrikuntza - Arantzazuko GB Laborategia - EE Think Tank – Ikerketa
Gure proiektu/ekimenetan konfiantzazko espazioak sortu eta komunikazioa indartzea (54)	- Batzar Nagusiekin lantaldea
Gure proiektu/ekimenetan gizarteari entzuteko sistema eraginkorrak garatzea (52)	- Herritartasun eskola
Landuko ditugun proiektu/ekimenetan konplexutasuna ulertu eta ikuspegi sistemikoa garatzea (49)	- Lankidetzaren EE, C.KIC, OPSI Deba 2030 - Lurralde Garapenerako Laborategia
Gure proiektu/ekimenen esparruan administrazio publikoa eraldatzea politikarien eta teknikarien arteko lotura bultzatuz (46)	- Erakundearen transformazioa - Ekinez ikasi - Giza baliabideak eta konpetentziak
Taldeak bere definizio propioak garatzea bi kontzepturentzat, Kultura politiko berria eta berdintasuna (44)	- BADALAB - Nazioartekotze prozesua - Hausnarketa Estrategikoko Bulegoa

Iturria: parte-hartzaileek erantzundako inkesta.

¹ Gai bat proiektu baterako lehentasunetaz jabetzen da 6 puntu eman zaizkionean.

² Taula egiteko datuak galdetegi batetik aterata dira, non parte-hartzaileek 6 (proiektuarentzat garrantzitsuenak) eta 1 (proiektuarentzat garrantzi txikiak duenak) arteko puntuazioa eman dioten proiektu bakoitzari.

³ Gaiak elkarrekin lehenetsi ziren 2020ko uztaileko tailerrean.

44-56 urkilak adierazten du gai guztiak garrantzitsutzat jotzen direla. Gehien baloratu den gaia *pertsonen erantzukizuna (balioak) sustatzea* da, hori baita lehentasunezko gaia hiru proiektutarako. Hala ere, puntuaziorik txikienak dituzten bi gaiek ere badituzte lehentasuna ematen dieten hiru proiektu. GFAko parte-hartzaileek lehentasuna eman diote *administrazio publikoaren eraldaketari, politikarien eta teknikarien arteko lotura bultzatuta*; beste filiazio batzuekin parte hartzen dutenen lehentasunak, berriz, banatuago daude.

Azkenik, 2. lan dokumentuan balizko proiektuen zerrenda bat aurkeztu zen, talde horren eztabaida praktikan jartzeko testuinguru izan zitezkeenak. Dokumentu honetan, berrikusitako zerrenda bat aurkezten da, eta labur-labur deskribatzen da proiektu horietako bakoitza, batez ere kultura politiko berri baten esperimentazioarekin dituzten lotura puntuak erakusteko.

2. taula. Kultura politiko berriaren inguruan esperimentatzeko espazioak

IZENA	DESKRIBAPENA	ARDURADUNA
Herritartasun Eskola	Herritartasun Irekiaren Gipuzkoako Eskola garatzea du helburu. Eredu, topagune eta ikasgune berriak garatuko ditu, gai publikoetan herritartasun aktiboagoa sustatzeko eta administrazio irekiagoa lortzeko	Eider M.
Erakundearen transformazioa	GFaren egitura eta lan egiteko modua berritzea , erretiroa hartuko dutenen errelebo egokia gauzatuz, behar dituen eta behar ez dituen perfilak identifikatuz eta departamentuen arteko elkarlana sustatuz	Eider M.
Ekinez ikasi	Bi arazo landuko dituen proiektua: a) «foru sektore publiko osoaren funtzionamendu eraginkorra eta ikuspegi koherente eta integratua ahalbidetuko duen harreman eredua »; b) « barne gobernantza berria Etorkizuna Eraikizen esparruan»	Sebas Z. eta Ander A.
Giza baliabideak eta konpetentziak	Gobernantza Departamentua eta Kabinetearen eskutik GFAn lan egiteko moduak egokitzeko eta hobetzeko birdefinituko den proiektu esperimentalak	Sebas Z. eta Ander A.
Kudeaketa publiko aurreratua	Helburua: administrazioaren gizarte-eginkizuna betetzeko, hau da, herritarren beharrei erantzuteko , eskura dauden baliabideak eraginkortasunez eta etikez erabiltzea eta emaitzetara zuzendutako kudeaketa ahalbidetzea.	Goizeder, M.
Batzar Nagusiekin lan-taldea	Lurraldearen erronkak pandemia eta gero lantzeko, Gipuzkoako Foru Aldundiaren eta Gipuzkoako Batzar Nagusietako Taldeen ordezkarien arteko Etorkizuna Eraikitzeko lan taldea da .	Xabier B.

BADALAB	Hizkuntza berrikuntzarako laborategia da. Hurrengo hilabeteetan bere gobernantza eredua landuko du, orain arteko lankidetza publiko-soziala sendotzeko, egituratzeko eta hedatzeko, berdintasun eta erantzukidetasun parametrotan oinarrituta	Mikel I.
Arantzazuko Gizarte Berrikuntza Laborategia	Ondorengoak hobesten dituen proiektua da: elkarlana, erronka global eta konplexuen inguruko ikerketa, esperimentazioa eta formazioa, eta sozializazioa eta gizartegintza, prozesu parte-hartzaileen bidez erronkei erantzuna emateko	Naiara G.
Nazioartekotze prozesua	Lankidetzazko gobernantzarako sareak/lantaldeak bere lurraldeen etorkizunari buruzko ezagutza trukatzeko bultzatzen du nazioarteko eragileekin, eta politika publikoen konponbideak partekatzeko gaitasun kolektiboa indartzen du.	Natalia R.
Lankidetza E Eraikiz, C.KIK, OPSI Debag. 2030	ALC Etorkizuna Eraikizekin eta aipatutako gainerako erakundeekin lankidetzan ari da Gipuzkoan esperimentazio masiboko estrategia bat diseinatzeko, eta, horrela, gizarte, ekonomia eta ingurumen jasangarritasuneko eredu bateranzko hurrengo eraldaketari aurre egiteko.	Gorka E.
Hausnarketa Estrategikorako Bulegoa	Proiektuaren helburua Etorkizuna Eraikizen baitan, hausnarketa estrategikoa sustatzea da, eta zehazki, COVID-19aren osteko egoerari buruzko hausnarketa bultzatzea, politikaren eta hiritarren esparruan	Ion M.
Lurralde Garapenerako Laborategia	Laborategia maila anitzeko gobernantza kolaboratiboaren markoan lurralde garapenerako estrategiak partekatzeko eta garatzeko gunea da. Lurralde garapenerako gobernantza eredu berri bat garatzea eta sendotzea du helburu	Ainhoa A.
Etorkizuna Eraikiz Think Tank - Ikerketa	Gipuzkoaren etorkizuneko erronken inguruan, eraldatzailerak izango diren deliberazio prozesuak bultzatzea du helburu eta horretarako bere helburuei egokituko zaion ikerketarako metodologia garatuko du, besteak beste	Miren L.

1. eranskina. Proiektuen deskribapen zehatza

GIPUZKOAKO HERRITARTASUN ESKOLA IREKIA

Helburua: Gipuzkoako gizartean partaidetza kultura eta kultura kolaboratiboa sustatu balio publikoa sortzeko orduan, hain zuzen ere lankidetzarako gaitasunak sustatzeko, baita herritarrek beren eskubideak eta administrazioen betebeharrak ezagutzeko, bai Gipuzkoa mailan, bai toki mailan, gizarte arloko kolektibo guztiak aintzat hartuz eta hezkuntza komunitatea era beren inplikatur.

Bestalde, partaidetzako berrikuntzaren inguruan kalitate handiko prestakuntza eskaini nahi da, zehazki, kudeaketa eta errazte gaien inguruan, profesionalen eta zuzendari publikoen gaitasun eta abileziak indartuz.

Zehazki:

- Herritartasun Irekiaren Gipuzkoako Eskola zehaztu eta diseinatu, gaikuntza, indartze soziokomunitarioa eta Lurraldearen ezagutza oinarritzat hartuta.
- Herritarren partaidetzaren, beren eskubideen eta administrazio publikoen funtzionamenduaren eta betebeharren inguruko informazioa eta prestakuntza eman herritarrei.
- Erakundeek eskatzen dituzten aldaketen buru izateko, eta erronka sozioekonomikoei, globalizazioari eta iraultza digitalari aurre egiteko gai diren pertsonak prestatzea.
- Administrazio publikoko langileei herritarren partaidetzaren eta herritarren eskubideen inguruko prestakuntza ematea.
- Lankidetzako eta akordiorako trebetasunak ikasteko metodoak esperimentatzea ikaskuntza eta gai publikoetan parte hartzeko motibazioa, abiapuntutzat hartuta aplikazio praktikoa eta esperientzia berritzaileen ezagutza.
- Deliberaziorako beharrezkoak diren gaitasun eta ezagutzak lantzea.
- Berrikuntza publikoarekiko konpromisoa lantzea, erakundeen arteko inplikazioa jorratuz.

Proiektuaren alantzea: Guztiz zeharkakoa da, GFAko Departamendu ezberdinei eragiten baitie, langileri publiko kolektibo osoari, Lurraldeko Udal guztiei, elkarte zein kanpo erakundeei, unibertsitateari eta nola ez, herritar orori.

Hartzaileak:

- Herritar erakundeak, herritar antolatu gabeak (haurrak, helduak eta adinekoak).
- Udalak eta toki erakundeak.
- Foru eta toki Administrazioa langileak eta politikariak.

Proiektua lantzeko lantaldea

- GFAko Herritarren Partaidetzarako Zuzendaritza + beste Departamendu batzuk
- Lurraldeko Udalak (Erakundearteko espazioaren bitartez)
- Unibertsitateak (Sinergiak..)
- 3. sektoreko sareko eragileak

ERAKUNDEAREN TRANSFORMAZIOA

Etxearen egitura eta lan egiteko modua erabat zaharkituta daude. Langileen ia erdiak erretiroa hartuko du datozen urteetan. Haien errelebo egokia, erakundea modernizatzeko aukera gisa baliatu behar dugu, aurrekoen esperientzia eta ezagutza galdu gabe. Erakundeak behar dituen perfil berriak identifikatu, baita behar ez dituenak ere, departamentuen arteko elkarlana sustatu, etab. dira egin beharreko lanak, jakinik erresistentzia handiak izango ditugula. Baina erronka nagusia du erakundeak bere antolaketari dagokionez.

KUDEAKETA PUBLIKO AURRERATUKO II PLANAREN HEDAPENA

Foru Aldundiak urteak daramatza kudeaketa ona sustatzeko tresnak eta hobekuntza prozesuak ezartzen eta kalitatezko kudeaketaren alde egiten. Bide horretan jarduera asko abian jarri izan dira, baina marko orokor bati erantzuten ez zitzaion heinean arrakasta desberdina izan dute. Hori gaingitu nahian, 2015-2019 Gipuzkoako Plan Estrategikoak **Gobernantza** Onaren estrategiaren baitan, Foru Aldundian Kudeaketa Publiko Aurreratuko Eredua ezartzea aurreikusten zuen 12 helburuan. 2019-2023 Plan Estrategikoan ere horren aldeko apustua egin da, Erakundearen kudeaketa hobetu eta berritzea, izan dadin erakunde hurbilago, irekiago eta eragimen handiagoko bat 18. Helburu bezala ezarriz

Horrela, **kudeaketa aurreratu adimendu bat** hedatzeko egitekoa eman zaio Administrazioaren Berrikuntzako eta Eraldaketako Zuzendaritzari, horretarako metodo eta tresna eraldatzaile eta berritzaileak erabili dezan aginduz.

Horren harira, 2020ko otsailaren 20 Diputatuen Kontseiluak II Aurrerabide Plana onartu zuen. Kudeaketa aurreratuaren ereduaren bitartez erakundeak bere indarguneak eta zer hobetuak identifikatzen ditu, **Administrazioak duen gizarte-eginkizuna** egoki betetzeko, hau da, **herritarren beharrei erantzutea**, eskura dauden baliabideak eraginkortasunez eta etikez erabiltzea eta emaitzetara zuzendutako kudeaketa ahalbidetzen du.

2019-2023 legealdian, II Aurrerabide Plana hedatuko da Departamentu guztietara, 3 helburu nagusiekin: 1) Kudeaketa Aurreratuaren eta Berrikuntzaren kultura Foru Aldundia zabaltzea; 2) Zuzendaritza guztietan kudeaketa aurreratuaren garapenean maila urrats bat gaingitzea; eta 3) Gipuzkoako Foru Aldundian garatutako kudeaketa aurreratua kontrastatzea eta ebaluatzea.

Egiteko guzti honetan Think Tank-aren baitan ikasitakoa guztiz baliogarria izango delakoan eta prozesua aberastuko duelakoan esperimentazioarako proiektu egokitzat jotzen dugu gure Zuzendaritzan.

EKINEZ IKASI

“Ekinez Ikasi” (Action Learning): ekintzara bideratutako ikasketa prozesu baten bidez Foru Aldundiko pertsonen arteko harremanak eta lan egiteko moduak aldatzeko proiektua. Bi arazo zehaztu dira eta landuko dira 8-10 pertsonen (teknikoak eta politikoak) osatutako bi taldeetan: a) «foru sektore publiko osoaren funtzionamendu eraginkorra eta ikuspegi koherente eta integratua ahalbidetuko duen harreman eredua»; b) «barne gobernantza berriari heltzeko beharra Etorkizuna Eraikizen esparruan».

GIZA BALIABIDEAK ETA KONPETENTZIAK

“Giza baliabideak eta konpetentziak”: lan egiteko moduak egokitzea eta hobetzea Foru Aldundian (Funtzio Publikoko zuzendaritzatik planteatutako proiektu esperimentalak). Gaur egun proiektua Funtzio Publikoko zuzendaritzaren eskumenen ikuspegitik formulatuta dago eta datozen bi hilabeteetan proiektua birdefinitu egingo dugu, ikuspegi zabalago batetik heltzeko gaiari. Beraz *proiektu berria* Gobernantza Departamentutik eta Kabinetetik sustatuko da.

GFA ETA BATZAR NAGUSIETAKO TALDEEN LAN TALDEA

Lurraldearen erronkak pandemia eta gero lantzeko, Gipuzkoako Foru Aldundiaren eta Gipuzkoako Batzar Nagusietako Taldeen **ordezkarien arteko** Etorkizuna Eraikitzeko **lan taldea** da.

Lan taldearen helburuak:

- Covid-19ak Gipuzkoan eragindako berehalako ondorioen egoeraren diagnosia burutzea eta berehalako etorkizunaren lan lerroak definitzea.
- Covid-19aren pandemiak Gipuzkoan eragindako ondorio sozial, ekonomiko eta politikoen diagnosi estrukturala egitea.
- Diagnosi burutu eta gero, gizarte, ekonomia eta politika gaietako lurraldeko erronka nagusiak zehaztea.
- Lurraldeko etorkizunaren garapenerako lan lerro nagusiak eta erronka edota proiektu estrategikoak proposatzea edo, hala badagokio, adostea.

HERRIGINTZAREN BERRIKUNTZAN EGITASMOA

Gure proiektuaren abiapuntuko ideia da euskal tradizioan badela gure bizitzari zentzua ematen dieten oinarritzko galderei (zertatik bizi, zergatik bizi, nola elkarbizi) erantzuteko modu bat. Modu hori, hein handi batean, pertsona burujabearen ideian oinarritzen da, alegia, pertsonak badu bere kontzientziaren berri, eta beren ekintzen eta hauen ondorioen erantzukizuna edo ardura bai.

Pertsonaz ari garenean, noski, subjektu moralaz ari gara; nor bakarraz eta transzendenteaz (pertsona ez da indibidua, mundu materialeko esperientzia sentigarri soilak, fenomeno naturalak, sena, helburuetarako bitartekoa). Hori dela eta, bestalde, pertsonak helburuko galderak planteatu behar ditu, eta horretarako, noski, giza historiaren, pertsonaren eta herrigintzaren ideia batean formatzea ezinbestekoa da. Pertsonak kontzientzia burujabea eta herrigilea izan ditzan, balio-sistema bati buruz ere ari gara, neurri batean. Nor bere buruaren jabe den pertsonak egiten du bat, hain zuzen ere, demokraziaren sustraiko ideiarekin, alegia, batzarkide aitortzea eta herrigintzari zordun izatea. Beste era batera esanda, demokrazietan pertsonak jakinaren gainean hitz egiten duten eta emandako hitzaren jabe diren herrikideak dira; pertsonen arteko harremanak (hartu eta emanak) arautzen dituzten auziak ezagutu, eztabaidatu, ebatzi, betearazi eta zaintzeko beren hitzaren eta lanaren jabe direnak; hitza hartu eta betetzen duten pertsona erantzuleak.

Kultura politikoaz ari garenean nekez baztertu dezakegu balio-sistemaren auzia; eta, gure kasuan, tradizio pertsonalistari, humanistari edo burujabeari loturiko balio-sistema.

Gaur egunean, jakina, modernizazio-prozesuek balio-sistemetan ere eragin dute, besteak beste. Hori dela eta, pertsonen pentsaeran, sentieran eta jokaeran, esate baterako, pisu nabaria hartu dute portaera kontraktualistak, interesen eta eskubideen kulturak, edota beharrianen asetzea delegatzeko portaerek. Hori, neurri batean, herritartasunaren zabaltzeari eta hedatzeari lotua dago (eskubideak irabaztea eta askatasunak lortzea), baina horren ordaina izan da pertsonen erantzukizuna eta portaera burujabea lausotzea ere. Gero eta ohikoagoa da pertsonak bere interesek eskubide bezala ulertzea edota beharrianak herri-erakundeei ase ditzaten delegatzea. Eraldaketa horrek esplikatzen du hein handi batean herri-erakundeekiko eskaerak handitzea, atsekabe politikoa handitzea edota polarizazio soziala.

Hortik abiatuta, Uztaileko lan-dokumentuan azaldutakoaren harira, bi dira gure lan-hipotesi nagusiak:

- herri-erakundeei orduan eta gehiago eskatu, atsekabe politikoa ere handiagoa, eta interesen arteko konkurrentzia ere bai. Hipotesia plano indibidualean eta asoziatiboan landu daiteke;
- erantzukizun indibiduala orduan eta handiagoa, erakundeen arteko lankidetzak, baliabideen mobilizazioa eta eraginkortasuna ere bideragarriagoak dira.

Hipotesi horien formulazioak aukera ematen du orain arteko lan-bileretan planteatu diren beste hainbat ikuspegi edo gairekin loturak aurkitzeko. **Gure proiektuak egiten duena da gai edo eztabaidetan dimentsio kulturala eta morala jokoan sartu, eta iradoki pizgarri instituzionalak, prozesu deliberatiboak edota gardentasuneko ekimenak ezinbestean pertsonari eta bizitzako sustraiko galdera moralei lotu behar zaizkiela.** Hori egin ezean, parte hartze dinamiketan interes korporatiboak hobeto kudeatzeko tresnei buruz hitz egingo da, edota interesen konkurrentzia modu zibilizatuan nola bideratu, baina gai inportanteak alde batera utzita, hala nola, pertsonaren erantzukizuna, auzoarekiko ardura, besteenganako zorra eta erreproizitatea, edota egitasmoak konpartitzea.

Egin kontu, bukatzeko, gurea bezalako herri batean, pertsona dela kapital ia bakarra.

BADALAB

BADALAB da hizkuntza berrikuntzarako laborategi bat, Etorkizuna Eraikiz-en baitan gauzatzen hasteko puntuan dagoena. Laborategiak nahi du euskararen biziberritze prozesua eraginkorrago egingo luketen ekimenak/tresnak identifikatzea eta esperimentatzea.

Gauzatzeko puntu honetara iristeko, ia 5 urteko lankidetzazko ibilbide trinkoa eta emankorra egin da GFaren eta euskalgintza sozialaren artean. Horrek bihurtzen du BADALAB bide-urratzaile eta aitzindari, Etorkizuna Eraikiz-en ikuspegitik.

Hurrengo hilabeteetan laborategiak bi lan nagusi ditu: bat, bere jarduera gauzatzen hastea, lan-metodologia eta baliabideak lehen esperimenduetan probatuz; eta bestea, bere gobernantza eredua lantzea, orain arteko lankidetzak publiko-soziala sendotzeko, egituratzeko eta hedatzeko, berdintasun eta erantzukidetasun parametrotan oinarrituta. Bigarren hau litzateke gure think tank-aren egitekoan bete-betean sartzen dena.

Aurkitu behar da erakunde publiko eta sozialak lankidetzaz egonkor eta eraginkorrean jarriko dituen antolamendua eta jardun-moldea, alde juridikoak ondo landuta erabakimenaren banaketa eta diru publikoen erabilera bi aldeen espektatiben arabera izan daitezkeen. Nire ustez erronka funtsezkoa da lankidetzazko gobernantzarentzat marko juridiko-ekonomiko sendo eta adostu bat eraikitzea, berdinaren arteko lankidetzaz ez dadin egon arriskuzko abaguneen mende.

BADALABek aukera aparta ematen du, bere orain arteko ibilbidea kontuan hartuta, marko hori elkarrekin bilatzeko esperimendazioaren bitartez. Prozesu honen emaitza aurrekari bikaina litzateke kultura politiko berriak eskatzen dituen herri estrategiako tresna partekatuak identifikatzeko bidean.

ETORKIZUNA ERAIKIZ THINK TANK - IKERKETA

Proiektua Etorkizuna Eraikiz baimen baimen kokatzen da eta Gipuzkoa etorkizunean izango dituen erronkei aurre egiteko prestatzea da helburua. Horretarako, parte hartzean oinarritutako deliberazio prozesuak garatuko dira lau eremutan: kultura politiko berria, suspertze berdea, etorkizuneko ongizate ereduak eta etorkizuneko lana.

Think Tankaren berezitasunetako bat, hausnarketaz harago, ekintzara pasatzeko bere helburua da, ekintza honek eraldatzailea izan behar duelarik. Horretarako lan egiteko moduak garrantzitsuak izango dira eta think tanka lan egiteko moduekin esperimendatzen ari da. Esperimendazio horretan laguntzeko think tankaren diseinu eta kudeaketan ikerlariak txertatu dira.

ARANTZAZUKO GIZARTE BERRIKUNTZA LABORATEGIA (AGBL)

Arantzazuko Gizarte Berrikuntza Laborategian eta han bultzatuko diren ekimenetan eragile ezberdinen arteko elkarlana, erronka global eta konplexuen inguruko ikerketa, esperimendazioa eta formazioa, eta sozializazioa eta gizartegintza dira hobesten diren lan-jarduerak. Prozesu parte-hartzaileen bidez gizarteko erakundeak eta hiritarrak ahaldunduko dituen, egungo eta etorkizuneko erronkei erantzuna emateko.

Hain zuzen, Arantzazu erreferentziazko nodoa bihurtzea da azken helburua, gizarte justuago, kohesionatuago, lehiakorrago, eta azken batean, gizatiarragoa lortzeko. Topagunea izatea da AGBL-ren berezitasun nagusia: gure gizarteko beharrezkoak eta erronka nagusiei buruz aritzeko eta esperimendatzeko herriarren aterpea izan behar du, entzute eta ikaste aktiboko topagunea.

Beraz, Arantzazuko Gizarte Berrikuntza Laborategia, deliberazio prozesutik aterako diren ideia potentzialak edo ekintza posibleak praktikara eramateko, esperimendatzeko eta lankidetzako egitasmoak era partekatuan garatzeko espazio egokia izango da, aliantza publiko-pribatu-sozialen gobernantzan sakonduz.

AGBLk helburu anitzak dituen aldetik, han esperimendatzeko proiektu zehatza definitu beharko da, laborategia bera martxan jarri eta deliberazio prozesua aurrera joan ahala; hasierako ideia edo jorratzeko ardatz posibleak izan daitezke: (1) Gizarteari/hiritarrei entzuteko sistema eraginkor batekin esperimendatzeko proiektua, (2) komunitatea ahaldundzeko tresnak ikertu, esploratu eta esperimendatzeko proiektua, (3) Komunitatearen

balioak zein diren entzun eta partekatzeke foro eta espazio berriak ahalbidetuko dituen egitasmoa; (4) Etorkizuneko erronkak (Elkarbizitza, lana, trantsizio ekologikoa eta ongizatea) ingurune errealean diseinatu eta esperimentatzeko ekimena, egitasmo publiko, herrigile eta pribatuek garapen eraldatzailea izan dezaten.

NAZIOARTEKOTZE PROZESUA: LANKIDETZAZKO GOBERNANTZARAKO SAREA/LANTALDEA

Etorkizuna Eraikiz ekimenak zeharkako hainbat prozesu ditu, eta horien artean nazioartekotzea nabarmentzen da. Landu beharreko ardatzaren deskribapena jarraian zehazten da.

Lankidetzazko Gobernantzarako Sarea/Lantaldea nazioarteko hainbat eragilerekin ezagutza eta elkarriketa trukatzeko gune gisa sortu da. Eragile horiek beren lurraldeen etorkizunari buruzko kezkek partekatzen dituzte, eta gure garaiko erronkei aurre egiteko politika publikoak partekatzeke, hobetzeko eta berrasmatzeko gaitasun kolektiboa sustatzen dute. Sareak helburu hauek ditu:

- Kideen artean ezagutza, informazioa eta jardunbide hobeak partekatzea;
- Ikerketa sortzea, lurraldearen arazoak eta erronkak lankidetzan konpontzeko;
- Ezagutza eta prestakuntza zabaltzeko espazioak sortzea, lankidetzazko gobernanzako metodoak eta ereduak trukatzeko.
- Lurraldeko agenda publikoetan aukera arloak identifikatzea, elkarlaneko gobernuaren proiektu eta ekimen praktikoak sustatzeko.

Sarea funtsezko hiru arlotan garatzen da: agenda publikoa, ekintza ereduak, kasu azterketak.

LANKIDETZA ETORKIZUNA ERAIKIZ, CLIMATE KIC, OPSI ETA DEBAGOIENA 2030EN ARTEAN

ALC Etorkizuna Eraikizekin eta aipatutako gainerako erakundeekin lankidetzan ari da Gipuzkoan esperimentazio masiboko estrategia bat diseinatzeko, eta, horrela, gizarte, ekonomia eta ingurumen jasangarritasuneko eredu bateranzko hurrengo eraldaketari aurre egiteko.

HAUSNARKETA ESTRATEGIKORAKO BULEGOA

Bulegoaren egiteko nagusia Etorkizuna Eraikiz-en baitan, hausnarketa estrategikoa sustatzea da, eta zehazki, COVID-19aren osteko egoerari buruzko hausnarketa bultzatzea. Hortaz, nire egitekoa zuzenean lotuta dago politikaren eta hiritarren esparruan pandemiaren krisi multifaktorialak eragindako aldaketak ezagutzearekin, eta hortaz, kultura politikoaren azterketarekin.

Horrekin ulertzen dut, Think Tank-ean lantzen diren ideiak, proposamenak, problemak, eta abar, etengabe nire eginkizun horretara inkorporatzen joango naizela. Alegia, ez dut ulertzen ekarpena proiektu konkretu batean, baizik eta eginkizun horren baitan egiten diren ikerketa, lan-talde, txosten eta abarretan Think Tankean ateratzen dena inkorporatzen joatea sistematikoki.

ETORKIZUNA ERAIKIZ - LURRALDE GARAPENERAKO LABORATEGIA

2009an Foru Aldundiaren lidergoarekin hasitako ekimena, Lurralde garapenerako Laborategia “maila anitzeko gobernantza kolaboratiboaren markoan (eraikitzen ari garena, dinamikoa dena), “lurralde garapenerako” esparruko (finkoa ez dena, gaur egun, “sustapena” eta “enplegua”) estrategiak partekatzeko eta garatzeko gunea” da.

Laborategiaren helburua da lurralde garapenerako gobernantza eredu berri bat, lankidetzazkoa eta maila anitzekoa, garatzea eta sendotzea.

Laborategiak lurralde garapenerako ekintza ikerketan oinarritutako lan modu propioak (ad. praxia, konfliktoaren kudeaketa, gizarte kapitala) eta elkarlan dinamikak garatu ditu, lurralde garapenaren alorreko eskualdeetako, lurralde mailako eta EAEko eragileekin. Eragileen arteko elkarlana Laborategian sortutako zenbait gunetan (gogoeta eta erabakitze partekatuko gunek, ekintza ikerketa prozesuak edo lanketa partekatuak eta ikasketak garatzeko prozesuak) eta elkarrekin garatutako ekimenen bitartez artikulatzen da.

Ekintza ikerketa prozesu izanik, lurralde garapena helburu duten ekintzak garatzeaz eta hauen inguruan ikasi eta hausnartzeaz gain, Laborategiaren berezitasuna da lurralde garapenerako lankidetzazko gobernantza sortzeko metodologiaren inguruan sustatzen eta sistematizatzen den ikasketa eta ikerketa. Hau da, “nola”-ren inguruan garatzen dituen ikasketak.